

Վարչական փույթ նշանակելու մասին

«17» փետրվարի 2023թ.

ք. Վանաձոր

ՀՀ ՊԵԿ Արևելյան մաքսատուն-վարչության պետ Գոռ Բակլաջյանս, ուսումնասիրելով Հայաստանի Հանրապետության քաղաքացի Երվանդ Զիվանի Մամուլյանի /Քաղաքացիությունը՝ ՀՀ, անձն. AS0236392, ծնված՝ 31/08/1991թ., հասցեն՝ 2010 ՀՀ Լոռու մարզ, Վանաձոր, Տավրոս 3-րդ փ., 27տուն/ կողմից, մաքսային կանոնների խախտման վերաբերյալ նյութերը,

Պ Ա Ր Զ Ե Ց Ի

1. Գործի նկարագրությունը:

2022թ.-ի օգոստոսի 16-ին ՀՀ ՊԵԿ ԱՄՎ Բագրատաշենի մաքսային կետ-բաժին ժամանել ՀՀ քաղաքացի Երվանդ Մամուլյանը իր հետ տեղափոխելով ապրանքներ՝ ավտոմեքենայի նոր պահեստամաս՝ 1 կգ ընդհանուր քաշով, որը նույն օրը հանձնվել է մաքսային մարմինների ժամանակավոր պահպանմանը /համաձայն՝ «Մաքսային մարմինների ժամանակավոր պահպանման պահեստներում մաքսային մարմինների կողմից ապրանքները և տրանսպորտային միջոցները ժամանակավոր պահպանման վերցնելու» թիվ 169 անդորրագրի/: Ժամանակավոր պահպանման ժամկետն ավարտվել է 17.12.2022 թվականին: Նշված ապրանքի վերաբերյալ սահմանված ժամկետում Երվանդ Մամուլյանը մաքսային հայտարարգիր չի ներկայացրել, որի համար կազմվել է ապրանքների և դրանց վերաբերյալ փաստաթղթերի արգելապահման արձանագրություն:

2. Սույն վարչական գործի քննության համար նշանակություն ունեցող փաստեր:

1. 16.08.2022թ.-ին ՀՀ ՊԵԿ ԱՄՎ Բագրատաշենի մաքսային կետ-բաժնում մաքսային մարմինների ժամանակավոր պահպանման պահեստ է հանձնվել ապրանքներ՝ 37.5 կգ և սպորտային կոշիկներ՝ 16կգ /19 զույգ/:

2. 19.12.2022 թվականին Երվանդ Մամուլյանի նկատմամբ կազմվել է մաքսային կանոնների խախտման վերաբերյալ արձանագրություն «Մաքսային կարգավորման մասին» ՀՀ օրենքի 304-րդ հոդվածի հատկանիշներով:

3. Նշանակվել է գործի քննություն 25.01.2023 թվականին ժամը 14:00-ին, որի վերաբերյալ վերջինիս կողմից ապրանքները պահեստ հանձնելու ժամանակ հայտնաձև հասցեին ուղարկվել է ծանուցագիր, սակայն ծրարը վերադարձել է «Տեղափոխված» նշագրմամբ: Գործի քննությունը տեղափոխվել և նշանակվել է 17.02.2023 թվականին ժամը 17:30-ին, որի վերաբերյալ վերջինիս առձեռն ծանուցվել է, սակայն չի ներկայացել վարչական գործի քննությանը:

4. Հարցումներ են ուղարկվել ՀՀ ոստիկանության և անձնագրային վիզաների վարչություն, ՀՀ կադաստրի կոմիտե՝ Երվանդ Մամուլյանի ՀՀ-ում հաշվառված լինելու վերաբերյալ, ինչպես նաև ՀՀ-ում գրանցված գույքի վերաբերյալ տեղեկատվություն ստանալու նպատակով:

Համաձայն ՀՀ ոստիկանության և անձնագրային վիզաների վարչության կողմից տրամադրված գրության՝ ՀՀ ոստիկանության անձնագրային և վիզաների վարչության բնակչության պետական ռեգիստրի տվյալների համաձայն քաղ. Երվանդ Ջիվանի Մամուլյանը ծնված՝ 31.08.1991թ. 19.10.2022թ.-ից մինչև 31.10.2022թ. փաստացի հաշվառված է եղել «Լոռի, Վանաձոր, Տավրոս 3-րդ փ., 27 տուն» հասցեում:

Համաձայն ՀՀ կադաստրի կոմիտեի կողմից տրամադրված գրության՝ Կադաստրի կոմիտեի էլեկտրոնային արխիվի տվյալների՝ քաղաքացի Տիգրան Արայիկի Քամալյանի (անձնագիր՝ 507876266, ն/ք՝ 007264393, ծնված 31.05.1984 թ.) անվամբ Կոտայքի մարզ, համայնք Աբովյան գյուղ Առինջ, Բ թաղամասի 2-րդ փողոց, N 39 բնակելի կառուցապատման հողամասի նկատմամբ գրանցված է սեփականության իրավունք:

5. Սույն մաքսային կանոնների խախտման վերաբերյալ գործը քննվել է «Մաքսային կարգավորման մասին» ՀՀ օրենքի 332-րդ հոդվածի ուժով:

3. Սույն գործի փաստական և իրավական հիմնավորումները, վարչական մարմնի եզրահանգումները:

ԵՏՄ մաքսային օրենսգրքի 101-րդ հոդվածի 1-ին կետի 1-ին պարբերության համաձայն՝ «Ապրանքների ժամանակավոր պահպանման ժամկետը հաշվարկվում է ապրանքները ժամանակավոր պահպանման հանձնելու համար ներկայացված փաստաթղթերը մաքսային մարմնի կողմից գրանցվելու օրվան հաջորդող օրվանից և կազմում է 4 ամիս՝ բացառությամբ սույն հոդվածի 2-րդ կետում և սույն Օրենսգրքի 259-րդ հոդվածում նշված դեպքերի»:

Նույն օրենսգրքի 110-րդ հոդվածի 1-ին կետի համաձայն՝ «Միության մաքսային տարածք ներմուծվող ապրանքների մասին մաքսային հայտարարագիրը ներկայացվում է մինչև ապրանքների ժամանակավոր պահպանման ժամկետի լրանալը կամ սույն Օրենսգրքով սահմանված այլ ժամկետում»:

«Մաքսային կարգավորման մասին» ՀՀ օրենքի 301-րդ հոդվածի 1-ին մասի համաձայն՝ «Մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն»:

Նույն հոդվածի 2-րդ մասի համաձայն՝ «Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության»:

Նույն հոդվածի 3-րդ մասի համաձայն՝ «Սույն գլխում կիրառվող հասկացությունները օգտագործվում են Միության մաքսային օրենսգրքի և Վարչական իրավախախտումների վերաբերյալ Հայաստանի Հանրապետության օրենսգրքի իմաստներով»:

«Մաքսային կարգավորման մասին» ՀՀ օրենքի 304-րդ հոդվածի համաձայն՝ «Սահմանված ժամկետում մաքսային մարմիններ Միության մաքսային օրենսգրքով կամ սույն օրենքով սահմանված մաքսային հայտարարագրերը կամ պարտադիր ներկայացման ենթակա այլ մաքսային փաստաթղթերը չներկայացնելը, առաջացնում է տուգանք՝

Ֆիզիկական անձանց համար՝ երեսուն հազար դրամի, իսկ պաշտոնատար անձանց համար՝ հիսուն հազար դրամի չափով»:

Նույն օրենքի 332-րդ հոդվածի համաձայն՝ «Մաքսային կանոնների խախտումների վերաբերյալ գործը քննվում է պատասխանատվության ենթարկվող անձի մասնակցությամբ կամ Վարչական իրավախախտումների վերաբերյալ Հայաստանի Հանրապետության օրենսգրքի 267-րդ հոդվածով սահմանված դեպքերում՝ տվյալ անձի բացակայությամբ:

Մաքսային կանոնների խախտումների վերաբերյալ գործը կարող է քննվել սույն հոդվածի 1-ին մասում նշված անձի բացակայության դեպքում, եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության պետական սահմաններից դուրս»:

Վարչական վարույթի նյութերի ուսումնասիրության ընթացքում պարզվել է ՀՀ քաղաքացի Երվանդ Մամուլյանը 16.08.2022թ.-ին իր հետ տեղափոխել է ապրանքներ՝ նոր պահեստամաս՝ 1 կգ ընդհանուր քաշով, որը նույն օրը հանձնվել է մաքսային մարմինների ժամանակավոր պահպանմանը /համաձայն՝ «Մաքսային մարմինների ժամանակավոր պահպանման պահեստներում մաքսային մարմինների կողմից ապրանքները և տրանսպորտային միջոցները ժամանակավոր պահպանման վերցնելու» թիվ 169 անդորրագրի/: Ժամանակավոր պահպանման ժամկետը ավարտվել է 13.12.2022 թվականին: Նշված ապրանքների վերաբերյալ սահմանված ժամկետում Երվանդ Մամուլյանը մաքսային հայտարարգիր չի ներկայացրել, որի համար 19.12.2022թ.-ին կազմվել է ապրանքների և դրանց վերաբերյալ փաստաթղթերի արգելապահման արձանագրություն:

Այսպիսով նյութերով պարզվել է, որ Երվանդ Մամուլյանի արարքում առկա է «Մաքսային կարգավորման մասին» ՀՀ օրենքի 304-րդ հոդվածով նախատեսված մաքսային կանոնների խախտման հատկանիշներ:

4. Եզրափակիչ մաս:

Ելնելով վերոգրյալից և ղեկավարվելով «Մաքսային կարգավորման մասին» ՀՀ օրենքի 304-րդ, 322-րդ, 334-րդ հոդվածներով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. «Մաքսային կարգավորման մասին» ՀՀ օրենքի 304-րդ հոդվածով նախատեսված մաքսային կանոնների խախտում կատարելու համար, Երվանդ Մամուլյանին ենթարկել վարչական պատասխանատվության՝ տուգանելով **30000 (երեսուն հազար)** ՀՀ դրամի չափով:

2. Որոշման մասին հայտնել Երվանդ Մամուլյանին:

3. Պարզաբանել, որ «Մաքսային կարգավորման մասին» ՀՀ օրենքի 334-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն նույն հոդվածի 4-րդ մասի՝ Վարչական տույժ նշանակելու մասին մաքսային մարմինների որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով կամ դատական կարգով:

Սույն որոշմամբ նշանակված տուգանքի վճարման հաշվեհամարն է. **900005024055՝ (Արևելյան մաքսատուն-վարչություն, ԿՈՂ 29):**

ԱՐԵՎԵԼՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏ



ԳՈՌ ԲԱԿԼԱՅԱՆ